



## li chastelains de couchi?

**I**e ne doi pas amours grant mal vo -  
loir. sa la pluz bele de cest mont mon cuer  
rent. conques biautez ne fist si son pooir -  
destre en nului tresesmereement. (con) ele a  
fet en son tresbiau cors gent. ne rienz qua  
grant biaute taigne. ne voi quen li. nen sa  
facon soufraise. fors qun petit li messiet  
ce mest uis; ce que trop tieig tient ses iex  
de moi eschiz.

**Q**uant ie reguart son debonaire vis. et  
ie la proi sanz bel respons auoir. nest mer -  
ueille sen lesgart mesbahiz. quant gi (con) -  
noiz ma mort. et sai de voir. puiz que  
mercis ne mi deigne valoir; ne sai v  
nul confort preigne. quar ses confors mo -  
cit. et li mahaighe. he; franche rienz cru -  
eux tant mar vous vi; quant pour ma  
mort nasquistes sanz merci.

**Q**ue ferai dex partirai me de li; ainz q(ue)  
s'amours me par ait tout ocis. naie certes  
il ne puet estre einzi. quamours me tie(n)t  
et ma volentez priz. qui amon cuer en li  
pour morir mis. ne iamaiz tant ne mes -  
praigne. que sanz merci. v sanz mort en  
reuaighe. quassez aim mieuz morir en  
douz desir; que viure iriez. et ma vie ha -  
ir.

**P**viz que mes cuers ne sen veut reue -  
nir. de vous dame pour cui il ma guerpi.  
aumosne auriez sel voliez retenir. car  
sil reuient. amoi ail failli. pour vostre  
honour. et pour dieu vous en pri. que  
de moi pitiez vous praigne. quil nafiert  
pas a vous que rienz sen plaighe. quel  
mont na voir si cruel trahison; (con) bel sa(m) -  
blant et corage felon.

**D**ame (com)ment quil praigne; merci  
amours de ce quele madaighe. et tieighe  
asuen. ne ia de sa prison; ne quier issir  
se mors v amez non.

Image not found

<https://letteraturaeuropea.let.uniroma1.it/sites/default/files/export%20%285%2012.jpg>

Image not found

<https://letteraturaeuropea.let.uniroma1.it/sites/default/files/export%20%284%2012.jpg>

**Source URL:** <https://letteraturaeuropea.let.uniroma1.it/?q=laboratorio/edizione-diplomatica-980>